

بِسْمِ اللَّهِ الرَّحْمَنِ الرَّحِيمِ



Khutba Eid-ul-Fitr

HAZRAT MUHYI-UD-DIN
KHALIFATOULLAH

Munir Ahmad Azim

06 Juillet 2016
(01 Shawwal 1437 Hijri)

(Résumé Khutba)

Après ki li fine souhaite « Assalamoualaikum Warahmatullah Wabarakaatouhou » et « Eid Mubarak » à tous so bane disciples (et tous bane musulmans) entier le monde, Hazrat Khalifatullah (atba) fine commence so Khutba avec Tashahhud, Ta'uz, Surah Al Fatiha, et ensuite li fine dire:

Premier kitchose ki mo envie faire ressortir c'est ki tous bane zéfforts ki nous tous bane musulmans fine faire couma bizin pendant le mois de Ramadhan, ti ena ene sel l'objectif, le *Taqwa* (la crainte d'Allah, la piété). Si sa crainte là faire maintenant partie de nous c'est ki sa mois de carême là fine vine vraiment ene succès total, kot alor nous pou capave récolter, toute longue l'année, bane fruits de sa dibien précieux ki nous fine recevoir là. Ramadhan li en aucaine cas ene la fin en li-même ; Li ene début pour certains, et ene continuation pour bane les autres kot zot gagne l'occasion pou consolide sa l'état de crainte ki zot ena pour zot Rab, zot Maître afin ki sa récolte ki zot fine gagner pendant Ramadhan là li contigner même, li pas arrêter. La vie ou la mort dépanne uniquement du décret d'Allah, mais Li (Allah) conseille nous pou faire en sorte ki au moment de nous départ de sa la terre là, nous l'âme bizin trouve li dans ene situation de soumission totale envers Li. Donc, sa veut dire ki nous bizin reste dans sa situation de soumission là en permanence. Ene croyant bizin aussi honore le lien sacré ki unir li à Allah, Le Tout-Puissant et faudé pas li créer bane circonstances ki pou capave créer le moindre dissension au sein de la communauté d'Allah. Anou guette astaire quelques hadiths du Saint Prophète Muhammad ^(saws) lor sa sujet là en relevant quelques points subtil.

(1) Hazrat Sad Ibn Abi Waqqas ^(ra) raconté ki li fine tanne le Saint Prophète ^(saws) dire ki Allah ^(swt) content bane ki contrôle zot bane passions, bane ki pas ena aucaine désir méprizable, bane ki pas recherche la gloire de sa le monde là et bane ki amène ene la vie de retraite. (Sahih Muslim).

(2) Hazrat Aisha ^(ra) fine dire ki nannié, ni personne pas ena plisse valeur dans lizié du Saint Prophète ^(saws) ki celui ki ena la crainte d'Allah. (Musnad Ahmad Ibn Hanbal).

Sa Hadith là vine complète le premier, c'est-à-dire, celui ki Allah content, alor le Saint Prophète ^(saws) aussi content li.

Donc, pour attirer nous l'amour d'Allah et celui du Saint Prophète Muhammad ^(saws), li suffi pour nous ki nous ena la crainte d'Allah. Le Saint Prophète Hazrat Muhammad ^(saws) fine manifester beaucoup l'amour, et ti pé prié beaucoup, pour bane dimounes pieux. L'amour d'Allah et celui du Saint Prophète ^(saws) zot suffisant et la recherche pour gagner la gloire mondaine li ene kitchose bien banale, bien dans vide, bien temporaire. Kan nous analyse sa deux Hadiths ki mo fine fek cite devant zot là, alor nous trouver ki sa deux Hadiths là indique nous clairement ki Allah ena ene regard d'amour lor bane ki manifester ene crainte envers Li ; pareillement le Saint Prophète Hazrat Muhammad ^(saws) aussi ena le même regard d'amour lor sa bane kalité dimounes là, sa bane kalité croyants là jusqu'au Jour du Jugement dernier pareil couma li ti manifester sa l'amour là pour bane premiers croyants. Sa li vine possible seulement par la volonté d'Allah, parski Allah informe le Saint Prophète ^(saws) de bane z'affaires de so *Ummah* (communauté).

Le Messie Promis Hazrat Mirza Ghulam Ahmad (as), fondateur du Mouvement Ahmadiyya fine dire nous ki toute la beauté spirituelle de l'homme trouve dans bane pli tipti chemins de *Taqwa*. Li fine affirmé : « **Allah fine dire moi ki *Taqwa* (crainte d'Allah) li ene plante ki bizin prend racine dans le cœur de bane dimounes.** »

Alor à quoi bon nous dire bane bons paroles si nous pas place nous-mêmes lor le chemin de la vérité ? Nous bizin pratiquer saki nous dire. Celui ki formule ene bon l'intention pour faire ene bon action, alor li bizin aller de l'avant pour accomplir sa bon action là sans ki li perde létemps, et en prenant Allah comme Témoin et comme so Soutien, parski celui ki recherche Allah avec sincérité, sakaine de so bane pas pou faire li avancer dans so quête, dans so recherche. Sak nouveau zour pou vine pli meilleur pour li ki zour avant là. En vérité, n'importe ki action ki pas ena *Taqwa* là-dans, li pou ene action dans vide. Ceci équivaut à dire ki *Taqwa* li l'essence même de l'existence de l'homme.

Donc, en ce ki concerne *Eid-ul-Fitr*, c'est ene fête de réjouissance et de pardon. *Eid-ul-Fitr* ena lieu sak premier jour de mois Shawwal, du moment ki nouvo la lune apparaite, et ki signaler ki le mois béni de Ramadhan et Roza Ramadhan fine fini.

Eid-ul-Fitr li non seulement ene l'occasion de fête mais aussi ene jour de partage pour la communauté musulmane. Fête Eid li particulièrement marquée par bane manifestations de réjouissance, de bane échanges de félicitations et le pardon, renforçant ainsi bane liens de fraternité, de solidarité vis-à-vis de bane les autres frères et sœurs. Le jour de Eid, bane z'hommes, bane femmes et bane zenfants, habiller de bane linze néf et si zot pas ena bane linze néf, mais zot habiller de bane linze bien propre (bien laver et repasser), zot alle Masjid tôt le matin pour accomplir ene la prière spéciale, ki nous appelle : *Salaat-ul-Fitr*.

Avant sa, bane musulmans bizin retire zot *Zakaat* (donations obligatoires à bane pauvres et bane ki dans le besoin) kot sa c'est ene de bane piliers de l'Islam.

Comme ene moment de réjouissance, fête Eid li ene l'occasion idéale pour rendre visite à bane proches et à bane camarades. Dans sa l'occasion là, bien souvent, ena bane menus et gato ki préparer, couma *samoussas* ou bane les autres encore, couma *barfis* etc., et kot servi sa à bane invités. Mais vermicelle reste toutefois douceur préférée de la plupart de bane musulmans, ainsi ki ene bon plat *brianni* ki reste le repas principal en sa jour de fête là, surtout dans le contexte Mauricien.

Donc, le mois de Ramadan li ene période d'entraînement intense. Nous faculté pou tendé, guetté, nous la langue, l'esprit, tous sa là zot soumi à ene contrôle bien stricte. Sa discipline ki fine pratiqué pendant tout ene mois servi comme ene modèle pour bane onze mois à venir. Après ki nous fine passe sa épreuve là, Allah ^(swt) donne nous la récompense d'ene Eid. La joie ki nous ressenti li plus profond ki celui ki nous gagner kan nous mette bane linze néf. En vérité, bane linze ena ene certain rapport avec Eid mais sa Eid ki pé attane nous là pas dépanne de bane linze. Anou mazine bane pauvres ki zot, zot pas pou capave habille zot de bane bon linze. En vérité, pli zoli linze après Ramadhan, pendant célébration *Eid-ul-Fitr* et après c'est *Taqwa*. *Taqwa* c'est sa kitchose ki embellir l'homme comme le plus zoli de bane linze, ki li spirituellement et matériellement aussi. Nous bizin contribuer pour consolide l'état de *Taqwa* afin pou récolter sa bane récompenses là continuellement.

En sa l'occasion de *Eid-ul-Fitr*, mo souhaite ene **EID MOUBARAK** à tous bane frères et sœurs de toute la communauté musulmane et aussi à mo bane chers disciples dans l'Inde – Kerala, Delhi, Tamil Nadu, dans Comores, Seychelles, la Réunion, Madagascar, Mayotte, Maldives, Sri Lanka, Rodrigues, Congo, Trinidad et Tobago et bane les autres pays et mo prié pour ki sa Eid là li vine ene bénédiction pour sak musulman, pour sak membre du Jamaat Ul Sahih Al Islam et du monde en entier. *Ameen ! Soumma Ameen ! Ya Rabboul Aalameen.*